

v°.xliv.

Testament de custos

Au nom de dieu soict sachent tous presans
et advenir qu()aujourd huy **sixiesme** du moys de **decembre**
an **mil six cens quarante quatre** apres midy regnant
nostre souverain prince louys quatorze de ce nom par la
grace de dieu roy de france et de navarre **dans la**
maison d ysaac seigne marchand en la ville de()villemur
au dioceze bas montauban et()seneschaucee de()tholoze
pardevant moy notaire royal soubz(sig)ne establye
en personne honneste femme **ysabeau de custos**
vefve de jean seigne marchand quand vivoict aud(it)
villemur laquelle gisant dans son lict en la salle
basse de lad(ite) maison dettenue de certaine maladie
corporelle, toutesfois dieu graces estant en ses bons
sens jugement memoire et cognoissance, bien voyant
parlant et oyant, considerant n'y avoir rien de plus
certain que la mort ny de plus incertain que l()heure
n'on induitte ny subornee de personne comme a()declaré
ains de sa siance certaine a faict et ordonné son
testament non cupatifz en la forme suyvante,
premierement a faict le signe de la croix
sur sa personne en disant au nom du pere du filz et

.....
du saint sperit amen, a recommandé son ame
a dieu le pere tout puissant et prie icelluy de tout son
coeur luy vouloir pardonner toutes ses fautes et peches
& vouloir colloquer son ame en son paradis celeste pour
l amour de son bien ayme filz nostre seigneur jesus
christ & par l()intercession de la glorieuze vierge marie
saintz et()saintes de paradis, a vouléu et ordonné
veut et ordonne lad(ite) testatrix après que son ame
sera separée de son corps qu'icelluy soict ensepvely
au **simitiere s(ain)t jean** dud(it) villemur selon l'ordre observe
en la **relligion catholique** appostolique romayne qu()elle
professe, remettant sés honeurs funebres a la
discretion de son filz her(iti)er universel et general cy
après nommé, après a dict et declaré la testatrix
que par **lés pactes de mariage d hilaire ysaac jean**
et()françoise seignes sés enfans legitimes et naturelz
et dud(it) feu jean seigne son mary sçavoir **led(it) hilaire**
avec anne vaissier, ledict ysaac avec marye coderc,
ledict jean avec ysabeau daxe et lad(ite) françoize avec
pierre boulous elle auroict donné a()chacun d'eux
partie de sés biens exprimés d'ans **lesdictz pactes**

rettenus sçavoir céux desdictz hilaire ysaac et

.....

v^c.xlvi.

françoize **par moy no(tai)re** & céux dudict jean **par viague no(tai)re de montauban** lesquelz pactes en tant que contiennent]~~donnation~~[lesdictes donna(ti)ons ou constitu(ti)ons ladicte testatrix a ratiffiés et confirmés et par cestluy son testament, ratiffié et confirme, veut entend et ordonne que sortent leur plain et entier effect, orés icéux ne feussent autorisés et()registrés suyvant les ordonnancés roiaux de quoy par()tant que besoing seroict elle a deschargés et descharge sesd(its) enfans, et outre cé a donne et legue donne et legue lad(ite) testatrix esgallement ausdictz hilaire jean et françoize seignes freres et soeur ses enfans toute sa part et portion de deux pieces de terre au()elle jouyt et()possede conjointement avec **pierre custos son nepveu** sizés au terroir appelle delz *cabidres* l()une dans le consulat de ceste ville et l'autre dans celluy de frontong et d'abondant leur a donné et legué donne et legue icelle testatrix sçavoir aud(it) hilaire seigne la somme de vingt livres t(ournoi)z et la quantitté d'un sac bled et la troisieme partie d'une pipe de vin dont il luy

.....

faict reste des arreyrages de la portion qu'icelluy hilaire et lesdictz ysaac et jean seignes sés freres luy doibvent payer annuellement durant sa viie, audict jean ung petit jardrin ou chenevier qu()elle a sittué au faux bourg saint jean dud(it) villemur de la contenance d'un boisseau trois quartz confrontant du levant avec chemin de service, midy jardrin d()icelluy jean seigne son filz, couchant jardrin de robert et jean gourdous et d'aquilon jardrin du susd(it) bouldous plus la somme de trente livres & la quantitté d'un sac bled et la troisieme partie d'une pipe de vin dont il luy faict pareillement reste des arreyrages de la susdicte pention annuelle ensemble la somme de quatorze livres t(ournoi)z qu()elle luy a()cy devant prestés sans obliga(ti)on ny cedulle et a lad(ite) françoize seigne la somme de quinze livres qu()elle luy doit de prest amiable cy devant faict sans qu()il apparaisse par aucun escript, pour par lesd(ictz) hilaire jean et françoize des choses susd(ites) & qu'a checun d'iceux compette jouyr faire et dispozer a leurs plaizirs et)volontés incontinant après son decés a la charge d'en payer les tailhes et()rentes ausq(ue)lles dés lors les dictz biens

fondz donnés et]e constitués[légués seront subjectz, moyenant quoy ladicte testatrix a faitz t institués ses her(itier)s particuliers lesdictz hilaire jean et françoize seignes sés enfans a ce qu()iceux ne puissent rien plus prethendre ny demander sur son hereditté pour quelconque cause droict et()raison que ce soict, item a donné et legué donne et legue lad(ite) testatrix a **jean seigne son petit filz et()filheul filz des susdictz ysaac seigne son filz et marie coderc** mariés une piece de vigne et()tailhis joignant qu()elle a()sise dans le consulat dud(it) villemur terroir appellé de **tirecrabe** de la contenance d'une esminée quatre boisseaux confrontant du levant avec vigne et()tailhis des her(itier)s de feu raymond bonnet, midy le grand chemin tendant de villemur a monvalen couchant vigne et tailhis de catherine romagnague et d'aquilon le ruisseau d()engourg, comme aussi a donné et legué donne et legue lad(ite) testatrix a **pierre seigne aussi son petit filz et filz desdictz ysaac seigne et de()coderc** mariés

.....
une siénne piece de terre et vigne appellée **malhol** joignant qu()elle a sittiée au terroir appellé **al granier** consulat susdict de villemur de la contenance d()environ cinq rasés confrontant du levant avec vigne et terre des her(iti)ers du feu sieur de vernhes, midy le grznd chemin tendant dud(it) villemur a bondigoux, couchant terre et vigne du susd(it) hilaire seigne et d'aquilon vigne d'ysaac laboyssse pour par lesdictz jean et pierre seigne sesdictz petitz filz soudain après qu()elle sera decedée des dictes pieces jouyr faire et dispozer a léurs plaisirs et volontés a la charge d'en payer dés lors toutes tailhes et()rentes et cé moyenant lés a()pareillement faitz et institués sés heritiers particuliers a cé que ne puissent rien plus prethendre sur sadicte hereditté, finalement a dict et déclaré ladicte testatrix ne vouloir faire aucuns autres legatz, mais en tous et checuns ses autres biens meubles immeubles noms droictz voix et actions presans et advenir, ou que soient sittiés et en quoy que puissent concister icelle testatrix a faitz institué et de sa propre bouche nommé son **heritiér universel** et général assavoir **le susd(ict) yssac séigne** aussi son filz legitime et naturel

.....

et du susdict defunt jean seigne pour semblablem(en)t
après son decés jouyr faire et dispozer de sadicte
hereditte a sés plaizirs et()volontés en recompance
& pour remmer(ciat)ion des bons et agreables services
qu()elle a receus et()recoit journellement dudict
ysaac son filz nottament en sa presant maladie
esperant qu()il continuera a l advenir, et tel a
dict estre son testament que veut que vailhe
et()soict valable par droict de testament ou de codicille
ou de donation faicte a cause de mort ou dispozion
de dernière volonté & par tout autre droict uz et
coustume que pourra miéux valoir et affin
qu('icelluy soict efficatieux et ne puisse estre revoqué
en doubte, a revoqués et()revoque tous ceux quy
se pourroient trouver avoir esté par elle cy devant
faictz, priés les tesmoingz cy après nommés par
elle faictz appeller et()recognus d'en estre memoratifz
& moy dict no(tai)re d'en rétténir instrument,
ce qu'ay faict en presance de m(aîtr)e jean
calhassou pra(tici)en . jean bernadon . pierre peyrat,
anthoine savieres marchans , jean vidal tailheur,

.....
anthoine savieres maistre cordonniér et estienne
hugonenc de villemur signes avec moy no(tai)re requis
la testatrix a dict ne scavoir

Calhassou, p(rese)nt Bernadou

Peyrat Savieres Vidal

Savieres Hugonenc, p(rese)nt

Bascoul, not(aire)

d. r. & c.

Controllé led(it) jour
R. 10 s(ol)z